



Disputatio juridica inauguralis de nuptiis

<https://hdl.handle.net/1874/345150>

DISPUTATIO JURIDICA
INAUGURALIS,

20

DE
NUPTIIS.

QUAM
FAVENTE DEO TER OPT. MAX.

Auctoritate Magnifici D. Rectoris,

JACOBI VALLAN,

M. D. Praxeos & Institut. Medicinæ Professoris Ordinarii,

NEC NON

*Amplissimi Senatûs Academici consensu, Nobilissimeque
Facultatis JURIDICÆ Decretò,*

PRO GRADU DOCTORATUS

Summisque in UTROQUE JURE Honoribus & Privilegiis
ritè ac legitimè consequendis,

Eruditorum examini subjicit.

JOHAN DE MEYER, LEERDAMMENSIS.

Ad diem 29. Junii hora locoque solitis.



TRAJECTI ad RHENUM,

Ex Officina FRANCISCI HALMA, Academiae
Typographi, clò lbc xci.

Admodum Reverendo

V I R O,

D. JOHANNI de MEYER, Se-
cretario atque Grapheo Feudorum urbis
comitatusque Leerdammenfis, Parenti
suo plurimum colendo.

NEC NON

Doctissimo expertissimoque VIRO,

D. JOHANNI van SWIETEN, Ar-
chitecto supremo, Geometrae circa ope-
ra comitatus Hollandiae, territorii Cho-
marchorum Delphenfis, Mathematico
practico, Avunculo suo semper hono-
rando.

*Hanc Disputationem Juridicam Inaugu-
ralem dedicat offert & Sacram vult.*

JOHAN de MEYER. Auct.

Typographi, etc. etc.

I I I.

Nuptiæ sunt viri & mulieris conjunctio Individuam vitæ consuetudinem continens §.1. *Inst. d. pat. potest.* Conjunctioem intellige animorum atque corporum: perfectum enim atque consummatum matrimonium utramque conjunctioem desiderat. Quamvis enim Ictus dicat in *lege 30. d. R. 7.* Consensum facere nuptias non concubitus, hoc accipiendum de tali concubitu, quem nuptiarum consensus aliaque requisita haud præcesserunt, atque hoc vel inde colligi potest, quod nuptiæ non subsistant atque retro nullæ sint, ubi alteruter generandi potentiam non habet propter vitium perpetuum §.9. *Inst. de adopt. & l. 7. ff. ad Edil. Edict.* utramque conjunctioem ad consummationem matrimonii plane desiderari.

I V.

Hac definitione excluditur polygamia: quocunque enim jure; non minus Divino quam humano prohibitum est unum unamve pluribus conjugii vinculo junctos esse: quamvis enim Deus conniveret olim ad polygamiam Patriarcharum, improbavit tamen: quod Christus Salvator satis ostendit, ubi *Matth. 19. v. 8.* vult conjugium inter Adamum & Evam normam esse debere cæterorum conjugiorum *add. 1. Corint. 7. v. 2.* & si qua sunt alia SS. Scr. loca, quæ hoc evincunt.

V.

Ut jure Civili valeant nuptiæ requiruntur quatuor, 1. Civitatis jus 2. ætas habilis, 3 consensus parentum & contrahentium 4. justa cognationis & affinitatis distantia: primo requiritur ut sint Cives Romani, cum servis nuptiæ non contrahuntur, sed tamen contubernium *l. 3. C. de incest. nup. & l. 14. §. 3. ff. b. tit.* neque peregrini vel deportati contrahunt nuptias *l. 56. sol. mar.* peregrini dicebantur qui Cives Romani non erant *l. 6. §. 2. ff. de hered. Inst.* Cives autem Romani per deportationem in peregrinitatem redigebantur *l. 10. §. 6. ff. de in jus voc.* & jus Civium amittebant *l. 17. ff. de pan.* quamvis per deportationem non dissolveretur matrimonium antea contractum *l. 5. §. 1. ff. de bonis Dan.* idque propter favorem ejus. Ob ætatem impuberes prohibentur masculi quidem ad annum decimum

imum quartum impletum, foeminae ad annum duodecimum
pr. Inst. b. l. 4. ff. b. nov. 100. c. 2. Ratio est apud *Macrob. in som-
 nio Scip. c. 6. & in l. pen. ff. quand. dies leg.* Aetas profectior olim
 prohibebat quoque nuptias secundum legem Papiam, & *Scum.*
Claud. sed hoc correxit *Imp. in l. 27. C. b. t.*

V I.

Tertium requisitum est consensus contrahentium imprimis,
 quia inter invito nuptiae non ineunter *l. 22. C. de nupt.* & hic con-
 sensus debet esse liber absque omni metu, & coactione: consensus
 hic non solus contrahentium intelligitur, sed etiam eorum in quo-
 rum potestate sunt *l. 2. ff. de ritu nupt.* ratio juris civilis posita vi-
 detur in patria potestate quae non patitur ut ei invito agnascatur
 suus haeres *l. 12. §. 3. ff. de capt. & post.* etenim quia jure Civili nu-
 ptiae non sunt modus tollendae patriae potestatis, necessum quo-
 que est ut liberi, ex filio familias nati, sint in potestate ejus in quo
 ipse filius familias est, atque tandem, eo mortuo, avo fiant sui
 haeredes. Sed & ratio naturalis, qua jubet parentibus obsequium
 a liberis exhibendum esse, hoc ipsum flagitat.

V I I.

Unde si filius sine consensu patris nuptias contraxit, nec vir,
 nec uxor, nec matrimonium, nec dos intelligitur, sed illi qui
 ex eo coitu nascuntur pro spuris habentur *§. pen. Inst. de nupt.* un-
 de illud consequens est rati habitationem patris nuptias filii fam. re-
 tro non efficere legitimas, praeterquam enim quod expresse re-
 quirat *Imp. §. 1. Inst. b. t.* ut consensus praecedat, haec poena est
 illius conjunctionis, quae fit contra haec legum praecpta, ut nu-
 ptiae non sint, haec vero nullitas quae poena est a lege irrogata rati
 habitatione patris, qui privatus est, tolli nequit, accedit & hoc
 quod rati habitio in iis demum vim suam exerceat, quae in pen-
 denti sunt, non item in iis quae ab initio non valent: nihil tamen
 inter est an patris consensus sit tacitus vel expressus, nam qui non
 contradicit consentire videtur *l. 7. §. 1. ff. de spon. l. 5. C. b. t.* quia
 mentem suam explicare debuerat. Illud tamen in favorem con-
 jugii placuit *Imp. Severo & Antonino* ut parens qui liberos, quos
 in potestate habet, injuria prohibuit ducere uxorem vel nubere

goci possit, ut in matrimonium collocet atque dotet *l. 19. d. rito tu nupt.*

V I I I.

Tandem prohibentur nuptiæ ratione graduum, primo inter ascendentes & descendentes usque ad infinitum. Inter Collaterales prohibentur in secundo & tertio gradu: in quarto & ulterioribus gradibus subsistunt nuptiæ *l. 3. ff. de rit. nupt. § 4. Inst. h. t.* nisi contrahentes inter se parentum liberorumque locum obtineant ut scil. honestas morum illud prohibet, ne ille qui patris loco est matrimonio jungatur cum ea, quæ filix loco est; parentis loco est ille qui inmediate subest stipiti communi cum alter sit remotior.

I X.

Eadem prohibitio est propter affinitatem, ut quo gradu prohibentur nuptiæ ratione cognationis eodem quasi gradu quoque prohibeantur ratione affinitatis: in affinitate propriè non est gradus, quia non est generatio, unde gradus oritur. Affinitas est necessitudo ex matrimonio orta inter conjugem unum & alterius conjugis cognatos *l. 4. §. 3. de grad. & affin.* sic nuptiæ quoque vetitæ sunt, inter eos qui in affinitate parentum liberorumque loco sunt *§. 6. & 7. Inst. h. t. l. 4. §. 7. de grad. l. 5. & ult. C. de inc. nup.* quia Conjuges per fictionem juris Divini & humani incipiunt eadem persona esse, fictio autem tantum valet in casu ficto quantum veritas in Casu vero.

X.

Quin & aliquando ratione publicæ honestatis abstinendum est a nuptiis, ut ecce si uxor tua post divortium ex alio filiam procreaverit, hæc non est quidem privigna tua, attamen hujusmodi nuptiæ improbantur in *§. 9. Inst. h. t.* nam non semper in conjunctionibus considerandum est solum quid liceat, sed & quid honestum sit *l. 197. ff. R. J.*

X I.

Habuerunt Romani quoque alias causas quæ conjugium prohibebant, sic causâ dignitatis præses provinciæ, vel alii qui officium in provincia gerunt provinciales ducere non possunt uxores, ne potentia eorum nimium cresceret *l. 38. h. t. Senatores, & ex iis geniti,*

ti, libertinas, aliasve viles fœminas non rectè ducebant, ne de-
 cus illius ordinis vilesceret *l. 44. ff. §. 1. de rit. nup.* quod tamen ab-
 rogatum jure novo *nov. 78. C. 3.* Propter metum fraudis tutori
 non licebat pupillam ducere *l. 59. ff. de rit. nup. l. 64. 66. eod. nu-*
ptiæ quoque prohibentur ob diversitatem religionis in casu *l. 6. C.*
de jud. quod tamen extra terminos temere extendendum non vi-
 detur, & ob delictum prohibetur matrimonium raptoris cum rapta
l. unic. C. de rapt. virg.

X I I.

Vitium animi quoque nuptiis impedimentum dare palam est, ut
 furiosis, mente captis, nisi habeant lucida inter valla *l. 8. ff. despon-*
salibus l. 16. §. ult. de rit. nup. & l. 22. ff. §. 7. sol. matr. quibus ce-
 tera omnia rectè ritèque agere possunt. Prodigos licet alias furio-
 sis comparentur matrimonium rectè contrahere verius est *arg. ex*
l. 3. ff. de novat. nam quod ad bona quidem facit prodigus furio-
 sum exitum, at conjugium bonorum consortium non est, sed ani-
 morum corporumque: dein imputabit sibi unaquæque quod se sua
 que omnia commiserit ei qui finem impensarum non facit, bona-
 que sua inutiliter dilapidat.

A N N E X A.

- I. Concubinatus & meretricie conjunctiones in jure civili non probantur.
- II. Procurator in Criminalibus non admittitur ad defendendum crimen.
- III. Maritus est Dominus Dotis.
- IV. Usucapio est justus acquirendi Domini modus, jure civili.
- V. Periculum & Commodum Rei venditæ & nondum traditæ ad Emptorem spectat.
- VI. Qui credidit ad refectionem navis non habet tacitam hypothe-

F I N I S

A D

AD DOMINUM
JOHANNEM MEYERUM.

CUM DOCTOR CREARETUR.



Unc Meyere tibi victoria parta,
triumpha!

Cum cingat vestrum docta co-
rona caput.

Illa dies vobis albo signanda lapillo,

Quâ ad Doctoratum te vocat alma Themis.

Hæc sunt nunc studii dignissima præmia vestri,

Quæ sunt continuo parta labore tuo.

Tu nos præcedis, vestigia vestra sequemur,

Numina si faveant, nos celerique pede.

Amicus Amico posuit

FRANCISCUS van BERGEN
dictus MONTANUS. J.U.St.